

HOUBUH AKUON VAH



Simmun 8: May 25, 2024



“...Van a chungnung
pen laltouna jetlam
a tou, chule
mihiem tundoh
hilouva Pakai
tundoh Houbuh
tahbeh le
munthieng
lhahchale a pang
Thiempu Chungnung
inei un ihi uve.”

(Hebrew 8:1, 2)

Hapta 70 leh nikho 2300 gaothu vetsah bang a Jesu 1844 kum a ahung tahlou jieh chun gaothu hetdan velvet angai tan ahi. Hetdan thah ahung um tai:

DANIEL 7


DANIEL 8

BABYLON

MEDO-PERSIA

GREECE

ROME



Thutanna leh Houbuh kisuhthieng kiti hi thakhat ahi.



Houbuh kisuhthieng kiti chu Jesu hungkit ding kitina ahipoi. Daniel 8:14 leh Daniel 7:9-10 thutanna hi thilsuoh khat kiseina ahileh hiva houbuh suhthieng ding kiti khu ipi hin tem? Alangkhat ah, 1844 kum a hung kipan thutanna chu ipi hin tem?



Houbuh dihtah.



Kisuhthiengna.



Thutanna.



Hepina leh thutandihna.



Ukil leh Palai.

HOUBUH DIHTAH

"Chule mihiem tundoh hilouva Pakai tundoh houbuh tahbeh leh munthieng..." (Hebrew 8:2)

Houbuh suhthieng ding kiti chu hiche leisiet kiseina ahilouva ahileh ipi kiseina hitan tem?

1844 kum a lhahdahna nasa atuojou u chun Adventist ten Bible akhuolkit un ahileh houbuh kiti ni aum e ti amudoh uve:

Lei a houbuh, atahpa lim dan leh alie chu ahi (Heb. 8:5)

Van a houbuh, Pathien amatah tundoh chu ahi (Heb. 8:2)


Houbuh masa leh anung a, AD 70 gei a kisa, hou-inn ho chu Pathien in Mosi avetsah bang tah a kisa ahi (Ex. 25:40). Hiva chun Kelngoinou dihtah leh Thiempu Chungnung, Jesu, chu vetsah in aum e (Jn . 1:36; Heb. 4:14).

Amasa tah in, Jesu'n amatah eiho chonsiet lahmangna din akilhaan e (Rom. 5:8); aninan, eiho din palai na atong in, chonsiet henkolna a kuon ei jalensah un, sochatna eilhutpieh tauve (Heb . 7:25).



HOUBUH KISUHTHIENGNA

"Israel chate buohna jieh leh asuhkhielna u jieh, chule achonsiet chengse u jieh a munthieng suhthieng a, thoidamna abolpieh ding (ahi)..."(Lev. 16:16)



Israelte akilhai tieng u leh achonsiet u ngaidam ahiji e, ajieh chu achonsietna u "houbuh" sung kitollutji ahi. Hijieh chun houbuh kisuhthiengna ngai ah ahi. Hichu Kithoidamna Nikho tieng kibolji ahin, tuni gei in Judate lah a 'thutanna nikho' ti in jong het ahung hipeh e.



Mitin an
ngol pum
a kilhai ni
ahi
(Lev. 23:27)



Kin dang
natoh
phal
ahipoi
(Lev. 23:28)



Thiempu
Chungnung
in Pathien
angsong
anailut e
(Lev.
16:12-13)



Thingkuong,
puondal chu-
leh maicham
phung chu kel
thisan a suh-
thieng ahiji e
(Lev. 16:15-19,
33)



Kel dang
khat
chonsiet
pomang
din gam lah
a lhamang
ahi (Lev.
16:20-22)



Pakai
angsong ah
chonsiet
jouse
akisuhthi-
eng pieh
uve
(Lev. 16:30)

Hiche nikho a lung kisihlou, chonsiet nungsunlou tapou chu amite lah a kuon "paidoh" hiding (Lev. 23:29-30), achan ding gotna namdet hiding ahitai. Hitobang tah chun vanmun houbuh suhthieng ahi tieng mitin tuonsot mun namdet hiding ahitai. Tu nikho hi an ngol a kish ding nikho chu ahi (Heb. 3:15)



THUTANNA

"Ama chun aw nasatah in asam in, "Pathien ging un, aloupije chu vahchoi un, ajieh chu athutan, avaihom phaath ahung lhung tan ahi; chule van le lei, tuikhanglien, tuinah jouse siem a chu houvun, chibai un" ati." (Thuphuon 14:7)

Gaothu dungjui in Vanmun Houbuh kisuhthiengna-thutanna ti a jong kihe- chu 1844 kum chun akipan tai. Hiche nikho apat Adventist Houbung in thutanna hung lhun tah dan hapi tah in asampan tan, mitin Pathien chibai buoh leh athupieh jui dia kouna ahin sam tai.

Jesu lei a ahung tieng thutanna um ding hilou ham (1Ch. 16:33; 2Tim. 4:1)?

Jesu ahung tieng thutanna umsa chu ahin toh muolsuo joh ding ahi; "mitin atoh dungjui chieh a tohman pieh ding" ahin puohpieh ding ahijo'i (Rev. 22:12); avantilte lhenchuom te lonkhom dia asol ahitai (Mt. 24:31); ama tahsan thisaho akaithou ding ahi (1Thes. 4:16). Het ding khat chu, Jesu aniveina ahung tieng tahsanlou thisaho kaithouva umlou diu ahi, amaho chungthu hiche nikho a chu kitan hilou ahi (Rev. 20:4-5).



HEPINA LE THUTANDIHNA

“Lungsietna longlouvin laltouna khat hung kitungdoh intin, achung a chun David puonbuh sung a kitahna hung touva, ama chu thutan vaihom a thutandihna holpa, adih bol ding a ngongkailou hielpa chu hi ding ahi” ati” (Isaiah 16:5)

Thingkuong sung a Thupieh 10 kikoi chu Pathien thutanna le thudihbolna bulphu ahi (Eccl . 12:13-14). Pathien touna leh Thupieh 10 kikah a hepi touna chu Pathien lungsietna kilahna ahi (1Jn. 2:1-2).

**Govam maicham
phung ah athisan
thejah ahi**



**Christa akipiehdoh
ikisaan chu Van
Houbuh jotna kot
masa ahi.**

**Gimnamtui
maicham phung ah
athisan thejah ahi**





**Hichu Christa toh
hinkho mankhom
jingna chu ahi.**

**Thingkuong masang
puondal chung a jong
athisan thejah ahi**



**Thutanpa kom
ichonchan alhun
tieng lamjot kichai
bep ahi.**





Thutandih chun Dan nit ding ati ahi. Hepina jal chun Jesu hinkho chamkim eiho a bang in eisimpieh uve (1 Pet. 1:18-19). Hiche a hi thupitanni leh eiho ihakat theina ding uva ngailutna chu eiho chung a kisuchamkim ahitai” (1Jn. 4:17).

UKIL LEH PALAI

“Hijieh chun ama vang a Pathien kom nailutteho chu taopieh ding a ama hing jing jieng ahijeh a chu huhhing chamkimsuoh thei ahi” (Hebrews 7:25)

Jesu hinkho'n vannuoi a angaichaho le vanmun jouse mu din Pathien ngailut atahlah e. Athina'n chonsiet gitlouna atahlah ban ah mihiem din sochatna ahinlutpieh tai. Van Houbuh Palai na atoh hin tahsan vang a ama lam hin saang chan chu ngaidamna ape'n ahi.


Ihinkho lhungkei leh thutanna mun idin pet hijong leh Christa eidinhu ukil chu ahi jing e (1Jn. 2:1).



Vanmun Houbuh a Christa natos in hetbena eipieh u:

- Huhhinga natos umje kichieh tah in atahlang e
- Pathien Dan bulhit ngai ahi ei muchietsah ui
- Isochatna diuva man kipe atepi bei ahi
- Jesu'n Pa kom lhunna lampi eihil ui
- Pathien kom lam naithei dia lungmuon eipieh u

Kinloi tah a Thutanna hung bei ding, chuleh Jesu “aniveina a chonsietna beihiel a ama ngah jingho huhhing ding a hung kilang ding ahi” (Heb. 9:28).



“Thutanni tieng chonchan kisutna lekhabuho hung kiphong ding, Jesu tahsan jouse hinkho Pathien masang a phohdoh a um ding ahi. Leisiet a hung um masapen penho apat khang banneicha a hung umdoh mite jouse chonchan chu eiho dinhu jing Ukil chun ahin tahlah ding, achaina a ahinglai chengho chonchan gei ahin tahlah ding ahi.

Mitin min kiminphah chieh ding, chonchan jouse kikhuolchil ding ahi. Min kisaang jong aum in, min kinungsun jong aum e. [...]

Lunggil tah a chonsiet kisah cheng, tahsan vang a Christa thisan ading a ngaidam channa kilhaina a kisaan chan chu Van Lekhabu a amin kisutna bantah a chun ngaidam ahitai ti jong akisutpiehbe e; Christa chondihna chang ahitah jieh leh achonchan jong Pathien Dan toh kilhon dildiel ahitah jieh chun achonsietna cheng cheng thaimangpieh ahitan, ama tah jong tuonsot hinna chang ding lom a kisim ahi tai.”

EGW (The Great Controversy, pg. 483)

“Tuhin Houbuh polam a ding a, eiho Pakai leh Huhhingpu Jesu Christa loupitah a hung kilah ding, kinepna dei umtah chu, ngah leh galdot ihiuve. [...] Palai na eitohpieh jinglai u hin Christa’n kithopi din mihiem phatna angaicha pon, mihiem palai natoh jong angaicha poi. Ama bou chonsiet pohhu ah ahin, chonsiet kilhaina gan jong ama bou ahi. Taona le chonsiet phuonna ama kom bouva bol ding ahi, ajieh chu ama bou Munthieng Chungnung a lut a, mitin ding a ngaidamna lhutpieh a chu ahi. Ama vang a Pathien kom nailutteho chu taopieh ding a ama hing jing jieng ahijieh a chu amaho chu huhhing chamkimsuoh thei ahi.”

EGW (Jesus Our Advocate, November 1)